

Mješoviti Holding „Elektroprivreda Republike Srpske“ Matično preduzeće a.d. Trebinje
Zavisno preduzeće „Rudnik i Termoelektrana Ugljevik“ A.D. Ugljevik

Broj: 22823 /24
Dana, 12.07 2024. godine

Na osnovu člana 69. stav (2) tačka d) Zakona o javnim nabavkama („Službeni glasnik BiH broj 39/14 i 59/22), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14 i 49/23), na preporuku Komisije za javnu nabavku broj: 22605/24 od 10.07.2024. godine, u postupku: Nabavka rezervnih dijelova za kompresore „COMPAIR“, putem konkurentskog zahtjeva za dostavu ponuda, interni broj: 11/24/P, objavljen na Portalu javnih nabavki www.ejn.gov.ba pod brojem: 1276-7-1-344-3-497/24 od 19.06.2024. godine, Uprava Preduzeća na sjednici održanoj dana: 11.07 2024. godine je donijela:

O D L U K U

**o poništenju postupka javne nabavke: Nabavka rezervnih dijelova za kompresore „COMPAIR“,
putem konkurentskog zahtjeva za dostavu ponuda, interni broj: 11/24/P**

Član 1.

Prihvata se Preporuka Komisije za javne nabavke broj: 22605/24 od 10.07.2024. godine, te se poništava postupak javne nabavke: Nabavka rezervnih dijelova za kompresore „COMPAIR“, putem konkurentskog zahtjeva za dostavu ponuda, interni broj: 11/24/P, a na osnovu člana 69. stav (2) tačka d) Zakona o javnim nabavkama, jer zaprimljena ponuda nije prihvatljiva za Ugovorni organ.

Član 2.

U slučaju ulaganja žalbe na ovu Odluku, Ugovorni organ će postupati u skladu sa članom 100. Zakona o javnim nabavkama BiH.

Član 3.

Ova Odluka će se objaviti na WEB stranici Ugovornog organa: www.riteugljevnik.com, istovremeno sa upućivanjem ponuđaču koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 4.

Za realizaciju ove Odluke zadužuje se Služba za pravne i korporativne poslove i Komercijalna služba Preduzeća.

Član 5.

Ova Odluka dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama BiH.

O B R A Z L O Ž E N J E

Postupak javne nabavke pokrenut je na osnovu Odluke Uprave Preduzeća o pokretanju postupka javne nabavke broj: 9966/23 od 12.03.2024. godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke je 230.000,00 KM bez PDV-a.

Obavještenje o nabavci objavljeno je na Portalu javnih nabavki pod brojem: 1276-7-1-344-3-497/24 od 19.06.2024. godine.

Komisija za javne nabavke, imenovana Rješenjem Uprave Preduzeća o imenovanju članova Komisije broj: 21503/24 od 28.06.2024. godine, podnijela je Upravi Preduzeća Izvještaj o radu sa preporukom za poništenje postupka broj: 22605/24 od 10.07.2024. godine.

U postupku po Izvještaju je utvrđeno da je Komisija blagovremeno i pravilno izvršila otvaranje ponuda i o tome sačinila odgovarajući Zapisnik o otvaranju ponuda broj: broj: 21903/24 od 03.07.2024. godine, a u kojem je utvrđeno slijedeće:

Do zakazanog roka za prijem ponuda za predmetnu nabavku, do 03.07.2024. godine do 10.00 časova, zaprimljena je jedna ponuda:

Naziv/ime ponuđača				
Blagovremene ponude/ datum i vrijeme prijema		Ukupna cijena ponude bez uračunatog PDV-a na paritetu DDP		Neblagovremeno primljene ponude
1.	„TIMKO“ d.o.o. Brčko	03.07.2024. godine u 09 ³⁰ časova	228.428,86 KM	/
Krajnji rok za prijem ponuda bio je: do 03.07.2024. godine do 10.00 časova.				

Predstavnik imenovanog ponuđača nije prisustvovao otvaranju pristigle ponude, te mu je Zapisnik o otvaranju ponuda broj: 21903/24 od 03.07.2024. godine dostavljen isti dan putem mejla i na isti nije bilo primjedbi.

ANALIZA PONUDA

Zatvoreni sastanak Komisije, na kojem je pregledana pristigla ponuda, te izvršena analiza dostavljene dokumentacije, održan je dana 10.07.2024. godine.

Analizom pristigle ponude, uvidom u priloženu dokumentaciju i suštinskom provjerom sadržaja i validnosti dokumentacije, Komisija je konstatovala sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA

OBAVEZNI DOKUMENTI KOJE PONUDA MORA DA SADRŽI	Ponuđač: „TIMKO“ d.o.o. Brčko
Obrazac za dostavljanje ponude - Aneks 2	Dostavljen
Obrazac za cijenu ponude - Aneks 3	Dostavljen
Obrazac za povjerljive informacije - Aneks 4	Dostavljen
Potpisan i ovjeren nacrt okvirnog sporazuma i ugovora - Aneks 5	Dostavljeni
Popis izvršenog ugovora – Aneks 6	Dostavljen
Potvrda o izvršenom ugovoru	Dostavljena, nije u skladu sa zahtjevom iz Tenderskog dokumenta
Izjava u skladu sa tačkom 4.9. pod b) Tenderskog dokumenta	Dostavljena
Uvjerenje (potvrda ili autorizacija ili ovlaštenje) izdato od strane proizvođača CompAir da je raspoloživi servis ovlašten za servisiranje kompresora CompAir	Dostavljeno, nije u skladu sa zahtjevom iz Tenderskog dokumenta
Izvod iz sudskog registra	Dostavljen
Ovjerena pismena izjava ponuđača iz člana 52. ZJN BiH – Prilog 1	Dostavljena

Ponuda ponuđača „TIMKO“ d.o.o. Brčko je neprihvatljiva iz sljedećih razloga:

Ugovorni organ je tačkom 4.7 pod a) tenderskog dokumenta, shodno članu 49. ZJN BiH, definisao minimalne uslove tehničke i profesionalne sposobnosti koje ponuđači moraju zadovoljiti:

a) Uspješno iskustvo u realizaciji jednog izvršenog istog ili sličnog ugovora, u posljednje tri godine, računajući od krajnjeg roka za dostavu ponuda, minimalne finansijske vrijednosti 10.000,00 KM, bez PDV-a.

Pod sličnim ugovorom podrazumjeva se ugovor na isporuci dijelova od proizvođača CompAir.

Nadalje, kao dokaz u cilju ocjene tehničke i profesionalne sposobnosti ponuđača, Ugovorni organ je tačkom 4.9 pod a) Tenderskog dokumenta zahtijevao:

„a) Popis (spisak) izvršenog istog ili sličnog ugovora u poslednje 3 godine računajući od krajnjeg roka za dostavu ponuda, a kao lični dokument koji izdaje sam ponuđač (U skladu sa šemom datom u Aneksu 6).

Popis izvršenog ugovora mora da sadrži:

- Naziv i sjedište ugovornih strana ili privrednih subjekata,
- Predmet ugovora,
- Vrijednost ugovora,
- Vrijeme i mjesto izvršenja ugovora

Uz navedeni popis izvršenog ugovora ponuđač je obavezan dostaviti:

- Original ili kopiju, ovjerenu od strane nadležne institucije, potvrde o izvršenom ugovoru izdatu od strane druge ugovorne strane sa ocjenom uspješnosti realizacije ugovora. Potvrda mora da sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim ugovorima ili
- Izjavu ponuđača (pod punom materijalnom i krivičnom odgovornošću) o izvršenim isporukama, ukoliko se gore navedene potvrde o isporučenim robama ne mogu dobiti iz razloga izvan kontrole Dobavljača robe potrebno je navesti i dokumentovati razloge nemogućnosti dobijanja navedene potvrde (obrazloženje i priložena dokumentacija moraju da se tiču objektivnih okolnosti koji su izvan kontrole ponuđača – Dobavljača.”

Ponuđač „TIMKO“ d.o.o. Brčko je kao dokaz tehničke i profesionalne sposobnosti, zahtjevan tačkom 4.9 pod a) Tenderskog dokumenta, dostavio potvrde o izvršenom ugovoru koje su izdate od strane ovog ugovornog organa, i to:

- Potvrda broj: 28522/23 od 06.09.2023. godine, kojom se potvrđuje da je „TIMKO“ d.o.o. Brčko uspješno realizovao Ugovor broj: 35624/21 od 30.12.2021. godine, **finansijske vrijednosti: 4.370,00 KM bez PDV-a;**
- Potvrda broj: 28521/23 od 06.09.2023. godine, kojom se potvrđuje da je „TIMKO“ d.o.o. Brčko uspješno realizovao Ugovor broj: 21797/21 od 13.08.2021. godine, **finansijske vrijednosti: 4.004,60 KM bez PDV-a;**
- Potvrda broj: 28519/23 od 06.09.2023. godine, kojom se potvrđuje da je „TIMKO“ d.o.o. Brčko uspješno realizovao Ugovor broj: 17959/22 od 02.06.2022. godine, **finansijske vrijednosti: 3.700,00 KM bez PDV-a;**
- Potvrda broj: 28520/23 od 06.09.2023. godine, kojom se potvrđuje da je „TIMKO“ d.o.o. Brčko uspješno realizovao Ugovor broj: 29819/22 od 27.09.2022. godine, **finansijske vrijednosti: 5.987,00 KM bez PDV-a;**

Međutim, nijedna Potvrda nije u skladu sa naprijed navedenim zahtjevom iz Tenderskog dokumenta, imajući u vidu činjenicu da finansijska vrijednost realizovanog ugovora (4.370,00 KM bez PDV-a, 4.004,60 KM bez PDV-a, 3.700,00 KM bez PDV-a, 5.987,00 KM bez PDV-a) **ne zadovoljava Tenderskim dokumentom zahtjevanu minimalnu finansijsku vrijednost realizovanog ugovora 10.000,00 KM bez PDV-a.**

Naime, tačkom 4.7 pod a) Tenderskog dokumenta zahtjevano je uspješno iskustvo u realizaciji **jednog izvršenog istog ili sličnog Ugovora**, u posljednje tri godine, računajući od krajnjeg roka za dostavu ponuda, **minimalne finansijske vrijednosti 10.000,00 KM, bez PDV-a**, a ponuđač „TIMKO“ d.o.o. Brčko je u svojoj ponudi, kao što je naprijed navedeno, dostavio Potvrde iz kojih se može utvrditi da nijedan ugovor ne zadovoljava zahtjevanu minimalnu finansijsku vrijednost 10.000,00 KM, bez PDV-a.

Nadalje, Ugovorni organ je tačkom 4.7 pod b) tenderskog dokumenta, shodno članu 49. ZJN BiH, definisao minimalne uslove tehničke i profesionalne sposobnosti koje ponuđači moraju zadovoljiti:

„b) Ponuđač mora imati na raspolaganju servis ovlašten za servisiranje kompresora proizvođača CompAir“

Kao dokaz u cilju ocjene tehničke i profesionalne sposobnosti ponuđača, Ugovorni organ je tačkom 4.9 pod b) alineja 3. Tenderskog dokumenta zahtijevao:

„Uvjerenje (potvrda ili autorizacija ili ovlaštenje) izdato od strane proizvođača CompAir da je raspoloživi servis ovlašten za servisiranje kompresora CompAir“

Dalje je zahtjevano da su ponuđači u obavezi dokumenta dostaviti u **formi originala ili ovjerene kopije.**

Ponuđač „TIMKO“ d.o.o. Brčko je, na strani 34 svoje ponude, dostavio Sertifikat u formi obične kopije, te ista nije ovjerena od strane nadležnog organa, a što je suprotno zahtjevu iz Tenderskog dokumenta.

Zbog svega navedenog ponuda ponuđača „TIMKO“ d.o.o. Brčko je neprihvatljiva.

Tačkom 8.2 tenderskog dokumenta predviđeno je provođenje E-aukcije. S obzirom da je za predmetnu nabavku zaprimljena ponuda koja nije prihvatljiva za Ugovorni organ, u skladu sa Pravilnikom o uslovima i načinu korištenja E-aukcije (Službeni glasnik BiH broj 80/23), E-aukcija se ne može zakazati, nego se postupak okončava u skladu sa članom 69. Zakona.

Komisija za javnu nabavku u postupku: Nabavka rezervnih dijelova za kompresore „COMPAIR“, putem konkurentskog zahtjeva za dostavu ponuda, interni broj: 11/24/P, nakon ocjene dostavljene ponude, zaključila je da je u skladu sa članom 69. stav (2) tačka d) ZJN BiH potrebno poništi predmetni postupak javne nabavke, jer dostavljena ponuda nije prihvatljiva za Ugovorni organ.

U postupku ocjene provedenog postupka Uprava Preduzeća nije našla razloge nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila, te da je Preporuka o poništenju postupka data u skladu sa Zakonom, podzakonskim i internim aktima i Tenderskim dokumentom.

Iz navedenih razloga, primjenom člana 69. stav 2. tačka d) i člana 70. stav 1., 4. i 6. Zakona o javnim nabavkama odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se predati žalba, najkasnije u roku od 5 (pet) dana od dana prijema ove Odluke. Žalba se predaje Kancelariji za razmatranje žalbi, putem ugovornog organa u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđaču,
2. Upravi Preduzeća,
3. Komisiji za javne nabavke,
4. Službi za pravne i korp. posl.,
5. a/a.

VD Izv. dir. za posl. proiz. el. ener. i razvoja Termoelektrane

VD Izvršnog direktora za posl. proiz. uglja i razvoja Rudnika

VD Izvršnog direktora za ekonomsko-finansijske poslove

VD Izvršnog direktora za korporativne poslove

VD Izvršnog direktora za opšte i pravne poslove

ZA UPRAVU
VD DIREKTORA



Diko Cvijetinović, master ekonomista

